

28. sept.

**Uunga siunnersuut: Uumasut inunnt tunillaassorsinnaasunik taakkulu akuinik siaruarsinnaasunik akiuiniarneq pillugu Inatsisartut inatsisissaattut siunnersuut.**  
(Aalisarnermut Piniarnermut Nunalerinermullu Naalakkersuisoq)

Siumumiik Naalakkersuisut inatsisissatut saqqummiussaannut qutsavigaavut, imatullu Siumumiik oqaaseqarfigissuarput.

Inatsisip nr. 12 2016-imi junip arfernani atulersumi §-it allannguallatsinneqarnissaannik suliaqarsimaneq Siumumiik ilalerparput, paasiuminartunngorlugu Inatsisartut inatsisaata atuunnissaa qulakkeerumallugu.

Siumumiillu Uumasut nappaataasa inunnt tunillaassorsinnaasut pinngitsoortinneqarnissaannik qularnaariniartuarneq iluarisimaarparput, ukiunimi 100-julinni Nunarput nunatta avataaniit eqqussuiffigineqarnerata, sulilu eqqussuiffigineqartuarnissaani Uumasut akuujuartussaammata, suulli uumasut tamarnik akuerineqarsinnaanngimmata, Inatsisartut inatsisaatigut inerteqquteqarsinnaanermik piginnaatitaaffiliisoqassasoq Siumumit isumaqataaffigaarput.

Inatsisartullu inatsisaanni §-t 1-imit §4-mut allannguutit atorunnaarsinneqartullu ilalerlutigit taamatut oqaaseqarfigalutigu.

Ataatsimiititaliamut suliaq pitsaasumik naammassineqaqqullugu ingerlateqqipparput.

Karl-Kristian Kruse  
Siumut